

Akileraarusiinernik Aalajangiisartut aalajangiinerat

Kinaassutsimik uppersaaneq:	2022-16157
Aalajangiineq aalajangiunneqarpoq:	marts 2023
Aalajangiinerup tamanut saqqummiunneqarnera:	marts 2024
Ukioq isertitaqarfiusoq:	2021
Sammissaq:	Akileraarutit
Sammissami oqaatsit pineqartut:	Nunani allani pappiaqqanik nalillit pissarsiffiunerat

Eqikkaaneq

Naammagittaalliut nunani allani (Danmarkimi) pappiaqqanik nalilinnik pissarsianut akileraartarnermut tunngavoq. Naammagittaalliuteqartoq isumaqarsimavoq akileraarusiisoqartussaangitsoq pissarsiat nunami allami akileraaruserneqarsimmata pissarsiallu tunniunneqarsimangimmata taamaallaallu kontomut allasimallutik.

Aamma akileraarusertussaagaluarunilluunniit akileraarutaasut annikinnerussapput pissarsiat isertitat nalunaarsorneranni marloriarlugit ilanngunneqarsimmata.

Akileraartarnermut siunnersuisoqatigiit nunanit allanit pissarsiat akileraarutigineqarnissaat aalajangiusimavaat naammagittaalliuteqartorli aningaasat akileraaruserneqartussat aningaasat amerlassusiviannut tunniunneqartunut appartinneqassasut pillugu ilalerlugu.

Suliassami pissutsit piviusut

Naammagittaalliorup Danmarkimi pappiaqqanik nalilinnik pissarsiai katillugit kr. 18.138-usimapput, taakkunannga pissarsiat kr. 4.298-inik akileraaruserneqarsimapput. Aningaasat kr. 15.921-usut Aningaasaliissuteqarnermut peqatigiiffimmi aktianit pissarsiaapput aningaasallu sinneri kr. 2.217-usut Aningaasaliissuteqarnermut peqatigiiffimmi pappiaqqanik aningaasanik nalilinnit pissarsiaallutik. Pissarsianit akileraarutit taamaallaat aktianut tunngassuteqarput, aningaasanik tunniussinermi pappiaqqanik aningaasanik nalilinnit akileraarutit unerartinneqartangimmata. Naammagittaalliuteqartup nammineerluni nalunaarsuiffiani naqiteriikkami pissarsiat kr. 31.909-nut inissinneqarsimapput.

Naammagittaalliuteqartup nammineerluni nalunaarsukkamini pissarsiat kr. 0-imut inississimavai nunanullu allanut akileraarutit kr.14.919-inut inississimallugit. Akileraartarnermut Aqutsisoqarfiup pissarsiat naqinneqarsimasut malillugit akileraarusersimavai, tassa kr. 31.909-nik ilutigalugulu nunani allani pissarsiat akileraarusersimanerannut Kalaallit Nunaanni akileraarutit kr. 9.600-nik apparsimallugit.

Naammagittaalliuteqartup paasinninnera

Naammagittaalliuteqartoq nammineerluni nalunaarsuiffimmi pappilianit aningaasanik nalilinnit pissarsiat kr. 0-imut inississimavai pissarsiat tunniunneqarsimangimmata, bankimiilli taamaallaat aningaasaliinerumut kontomut allanneqarsimallutik.

Pissarsiat tunniunneqarnerini Danmarkimi akileraaruserneqareersimapput, taamaattumik Kalaallit Nunaanni akileraaruserneqarpata tamatuma malitsigisaanik pissarsiat marloriarluni akileraaruserneqassapput.

Naammagittaalliuuteqartoq pissarsiat marloriarlutik nalunaarutigineqarsimanerannut uppersaammik aamma nassiussaqaarsimavoq.

Inatsisitigut malittarisassanut inatsisitigullu periaatsinut innersuussinerit

Akileraartussaataaneq:

Inuit Kalaallit Nunaanni najugaqartut tamakkiisumik akileraartussaataapput. Takuuk Aningaasarsianit akileraarutit pillugit Inatsisartut inatsisaanni nr. 12, 2. novembari 2006-imeersumi nr. 1, imm. 1, nr. 1.

Aningaasarsiat akileraaruteqaataasussat naatsorsorneqartarnerat

Aningaasarsiat akileraaruteqaataasussat tassaapput akileraartussaataasup ukiumoortumik isertitai tamarmiusut, nunanit allaneersuunersut apeqqutaatinnagit. Takuuk Aningaasarsianit akileraarutit pillugit Inatsisartut inatsisaanni nr. 12, 2. novembari 2006-imeersumi § 13.

Inatsisartut inatsisaanni nr. 12, 2. novembari 2006-imeersumi § 14-imi isertitat qanoq ittut akileraaruteqaataasussaanersut assersuusiarineqarsimapput ilaatigullu aktianit piginneqataassutiniillu pissarsianik isertitat eqqaaneqarput (imm. 1 nr. 3).

Marloriaammik akileraarusersuisarneq:

Inuk tamakkiisumik akileraartussaataasooq aallaavittut Kalaallit Nunaanniit aamma nunanit allanit isertitamigut akileraarusiiffigineqassaaq, tamatumalu kingunerisinnaavaa isertitaq marloriaammik akileraaruserneqartoq, tassami nunap pissarsiffiusup akuttunngitsumik aamma isertitaq akileraarusiiffiginnaagamiuk, takuuk Aningaasarsianit akileraarutit pillugit Inatsisartut inatsisaanni nr. 12, 2. november-imeersumi § 13. Marloriaammik akileraaruserneqarneq annikillineqarsinnaavoq kalaallit nunaannut akileraarutip naatsorsorneqarnerani nunat allamiut akileraarutaannik ilanngaanikkut. Annikillsitsineq nalunaarutigineqarsinnaavoq Aningaasarsianit akileraarutit pillugit inatsimmi § 69 inatsisitigut toqqammavigalugu imaluunniit Marloriaammik akileraarusiisarneq pillugu isumaqatigiissut (DBO) inatsisitigut toqqammavigalugu, nuna pissarsiffiusooq isumaqatigiissummik isumaqatigiissuteqarfigineqarsimappat.

Kalaallit Nunaata Danmarkillu akornanni DBO-mik isumaqatigiissummik isumaqatigiissuteqartoqarpoq. Artikel 10-mi pissarsiat akileraaruserneqartarnerat pineqarpoq.

Artikel 10

Imm.1. Pissarsiat ingerlatseqatigiiffimmiit naalagaaffeqatigiinnerup iluata ilaani najugalimmiit inummut naalagaaffeqatigiinnerup iluani allami najugalimmut tunniunneqartut naalagaaffeqatigiinnerup iluani nunani marlunni akileraaruserneqarsinnaapput.

Imm. 2. Oqaaseq "pissarsiat" artikelimi uani aktiaatinit isertitatut, piginneqataassutinit uppersaataatit imaluunniit - akiitsunut akiligassat minillugit - iluanaarutit ilaannut allatut

pisinnaatitaaffittut paasineqassapput, tassanilu aningaasarsiat ingerlatseqatigiiffinnit pisinnaatitaaffinnit allaneersut pineqarput, tamakkulu naalagaaffeqatigiinnerup iluani allami ingerlatseqatigiiffiup akiliisussap najugaqarfigisaani akileraarutinut inatsisaasut kingunerisaannik aktiaatinit aningaasarsiatut assinganik akileraaruserneqartussaapput.

Imm. 3. Ingerlatseqatigiiffik akiliisussaq naalagaaffeqatigiinnerup iluani nunat arlaanni najugaqarsimappat, pissarsiassanillu piginnittorpiaq naalagaaffeqatigiinnerup iluani nunami allami najugaqarsimappat akileraarut naalagaaffeqatigiinnerup iluani siullertut taaneqartumi akileraarutigineqassappat immikkoortut 4 aamma 5 eqqarsaatigalugit akileraarut makkuningga qaangiissanngilaq:

a) Pissarsiat aningaasartaasa tamarmiusut 0 pct.-iannik, tassalu ingerlatseqatigiiffimmik piginnittorpiaq ingerlatseqatigiiffimmi pissarsianik tunniussaqartumi pissarsianik akiliuteqartumi aningaasat minnerpaamik 25 pct.-iannik toqqaannartumik piginnittuusimappat, ukiumilu ataatsimi sivikinnerpaamik uninnani aningaasat ilaannik piginnittuusimappat, aamma

b) allatut pisoqarsimatillugu pissarsiat aningaasartaasa tamarmiusut 15 pct.-iannik.

Immikkoortoq taanna ingerlatseqatigiiffiup iluanaarutaanik pissarsiat akiliuteqarfigineqarnerannut akileraarusiinissamut periarfissamik attuissanngilaq.

Imm. 4. Artikel 4, imm. 3 pineqaraluarpataluunniit ingerlatseqatigiiffimmiit pissarsiarineqartut naalagaaffeqatigiinnerup iluani nunami allami nalunaarsorneqarsimasut naalagaaffeqatigiinnerup iluani nunami tassani akileraaruserneqassapput. Pissarsianik pigisaqalersoq naalagaaffeqatigiinnerup iluani nunami ingerlatseqatigiiffiup nalunaarsorsimaffigisaani najugaqarsimappat pissarsiat naalagaaffeqatigiinnerup iluani nunami tassani taamaallaat akileraaruserneqarsinnaapput. Ingerlatseqatigiiffik akiliuteqartoq naalagaaffeqatigiinnerup iluani nunami nalunaarsorsimaffigisaani taamaallaat akileraartinneqarsinnaavoq.

Imm.5. Kalaallit Nunaanni inatsisit malillugit aningaasarsiani akileraaruteqaataasussani pissarsianut tunniunneqartunut ingerlatseqatigiiffik tamakkiisumik ilanngaateqarsinnaanera ingerlaannarsimappat pissarsianut ingerlatseqatigiiffimmiit Kalaallit Nunaanni najugaqartumit nalunaarsorsimasumilluunniit tunniunneqartunut Kalaallit Nunaat akileraartitsisinnaavoq, kisiannili pissarsiassanik piginnittorpiaq Danmarkimi najugaqarsimappat akileraarut akileqqusaq pissarsiassat tamakkiisumik aningaasartaannik 35 pct.-imik qaangeeqqusaanngilaq.

Artikel 11-mi erniat akileraarusertarnerat pineqarpoq.

Artikel 11

Imm. 1. Erniat naalagaaffeqatigiinnerup iluani nunamut allamut tunngassuteqartut inummiillu naalagaaffeqatigiinnerup iluani allamiittumit akilernerneqartut naalagaaffeqatigiinnerup iluani nunami pineqartumi taamaallaat akileraaruserneqarsinnaapput.

Imm. 2. Oqaaseq "erniaq" artikelimi uani naalagaaffimmi akiitsunut uppernarsaatit, obligationit imaluunniit siumut nalunaarnerit aqqutigalugit aningaasarsiarineqartunik isumaqarpoq, matumani qularnaveeqqusiinikkut qularnaveeqqusiinnginnikkulluunniit qularnaarneqarsimanerat apeqqutaanani, akiitsullip iluanaarutaani iluanaarutiginnngisaanniluunniit pissarsinissamut pisinnaatitaaffimmik imaqarsimanerat apeqqutaanani kiisalu akiligassat suunerat apeqqutaanani, matumani aningaasarsiat allat assigalugit akileraartarnermut inatsisit naapertorlugit aningaasanik taarsigassarsinermi aningaasarsiatut isigineqartut.

...

Akileraarutinin sakkukillisaaneq:

Artikel 22 naapertorlugu Kalaallit Nunaat nunatut najugaqarfittut (akileraarusiisarnikkut angerlarsimaffittut) Danmarkimi isertitanit akileraarummut akilerneqarsimasumut ilanngaasiisartussaavoq, ilanngaalli Kalaallit Nunaanni isertitanit akileraarutigisatut naatsorsorneqarsimasunit annertunerussanngilaq. Tassa imaappoq, Kalaallit Nunaat Danmarkimi isertitanit akileraarummut akilerneqarsimasumut ilanngaasiisartussaavoq, ilanngaataasorli Danmarkimi isertitamit Kalaallit Nunaannut akileraarutaasussatut naatsorsukkatut angitiginngisaannassaaq.

Aningaasarsianit akileraarutit pillugit inatsimmi sakkukillisaanissamut malittarisassaq artikel 22-mi sakkukillisaanissamut malittarisassanut assinguvoq. Taamaattorli imm. 2-mi erseqqissarneqarpoq Marloraammik akilerartitsisarneq pillugu Isumaqatigiissut naapertorlugu aningaasanut amerlanerusunut ilanngaatisannut Danmarkip piumasaqaataanut ilanngaateqartitsisoqarsinnaassanngitsoq. Tassa imaappoq, Danmarki DBO-mi pisinnaatitsissutaasut qaangerlugit akileraarutinin akileeqqusisimappat DBO naapertorlugu akileraarutinin ilanngaatisannut Danmarkip akileeqqusisimaneranut ilanngaammik akuerinnittoqarsinnaavoq.

Akileraarusiinernik Aalajangiisartut naliliineri tunngavilersuutaalu

Danskit pappiaqqanit nalilinnit pissarsiassai 18.138 kr.-nut angissusilerneqarput, taakkuuppullu aningaasat uppersarneqarsimasut.

Naammagittaalliuutit Kalaallit Nunaannut tamakkiisumik akileraarutaasussaapput, taamaammallu pappiaqqat nalillit nunanit allaneersut pissarsiatigut 18.138 kr.-nik pissarsiffiusut Kalaallit Nunaanni aningaasarsiat naatsorsuiffiginerannut akileraarutillu naatsorsuiffiginerannut aamma ilaassapput.

Naammagittaalliuutit "aningaasanngorlugu" pissarsianik tunniussiffiqarsimannginnerat eqqortuuvoq. Taamaattorli pissarsiassat tunniunneqarsimapput, pissarsiallu danskit akileraarutinin akiliinerat malillugu naammagittaalliuuteqartup aningaasaliisarnermut peqatigiiffiani aningaasaliissutigeqqinneqarsimapput, tassalu naammagittaalliuuteqartup aktianut toqqorsiviani aningaasaliinerit nalingi assigalugit qaffaaffiqarsimallutik. Naammagittaalliuuteqartoq pissarsianut akileraarutaasatitaavoq, tamakku aningaasaliissutigeqqissimanerat apeqqutaanani.

Danskit malittarisassaat naapertorlugit danskit pissarsianut akileraarutaanni 4.298 kr.-nik akiliisitsisoqarsimavoq, taakkualu danskit pissarsiannit 15.921 kr.-usunit pisuupput. Danskit pissarsiaat sinneruttut 2.217 kr.-usut nalunaarutigineqartut danskit pissarsianut akileraarutaanni akileraarutigineqarsimanngillat, tamakkumi obligationinit pissarsiffiupput Danmarkimi aningaasatigut aningaasarsiatut akileraaruserneqartartut. Danmarki nunatut aallartiffittut danskit aktiaataannit pissarsianik akileraaruseeqqusaanngilaq. Tamatumalu kingorna marloraammik akileraararnermut pisussaqq pinngorpoq, tassami pissarsiat 15.921 kr.-usut Kalaallit Nunaanni Danmarkimilu akileraaruteqaataasarput.

Danmarkimik Marlورياammik akileraartitsisarneq pillugu lsumaqatigiissut naapertorlugu Danmarki taamaallaat danskit pissarsiaannit 15 %-mik akileraartitsisinnaavoq, tassalu Danmarkimi pissarsianut akileraarutitut akiliivallaartoqarsimavoq. Paarlattuanik obligationini pissarsiat (erniat) 2.217 kr.-nit marloriaammik akileraaruserneqarneq ajorput, tassami Marlورياammik akileraartarneq pillugu lsumaqatigiissummi artikel 11 naapertorlugu Kalaallit Nunaat nunatut kisimiilluni akileraartitsisarnermut pisinnaatitaaffeqarpoq.

Danskit pissarsianut akileraarutaasa utertinneqarnissaat pillugu Danmarkimi SKAT-imut qinnuteqartoqarsinnaavoq. Kalaallit Nunaanni akileraartarnermut aqutsisoqarfik Danmarkimi utertitsinissamut periarfissaqarneranik erseqqissaateqarpoq, kisiannili Danmarkimi suliap ingerlanneqarneranut - tassunga suliap suliarinerata sivirususaa ilanngullugu - akulerussinnaanani.

Kalaallit Nunaanni akileraarutitut naatsorsuisoqarnerani danskit aktiaataannit pissarsiat Danmarkimi akilerneqartut akileraarusiiffigerisa akilersinnerisigut marloriaammik akileraartitsisarneq sakkukillineqarsinnaavoq:

- taamaattoq Kalaallit Nunaanni akileraarutitut naatsorsorneqartut ilaannik qaangiinani, tamakkumi nunani allani isertinneqartunut tunngasinnaammata. (kr. 15.921 / kr. 153.730 * kr. 46.521 = kr. 4.818)
- taamaattoq aamma Marlورياammik akileraartarneq pillugu lsumaqatigiissutaasoq naapertorlugu Danmarkip pissarsiarisinnaasai qaangernagit, tassalu 15 %-it (15.921 kr.-nit 15 %-ii = 2.388)

Aningaasarsiat akileraaruteqaataasussat, massakut 153.730 kr.-nut appartinneqarsimasut aamma aningaasarsianut akileraarutitut 46.521 kr.-nut naatsorsuiffiqeqarsimasut tunngavigalugit pissarsiassat ilaannut akileraarummut 4.818 kr.-nut naatsorsuiffiqeqarsinnaavoq, tassani

Danmarki danskit pissarsiassaasa 15.921 kr.-niusut 15 %-iannik taamaallaat pissarsisinnaassalluni, tassalu 2.388 kr.-t. Nunat allat akileraarutaannut appartitsinissap naatsorsuiffiqeqarnerani pissarsianut akileraarutitut Danmarkip pissarsiffiqeqarsinnaavoq. Tassalu naammagittaalliutitut akileraarutitut 2.388 kr.-nik appaaffiqeqassapput, tassami killeqartitsisarnermut malittarisassaq naapertorlugu aningaasat akileraarusiissutigineqartumit naatsorsuiffiqeqartumit ikinnerusussaammata.

Akileraartarnermut Aqutsisoqarfik ileqqusumik inaarutaasumik naatsorsuinnermi Kalaallit Nunaanni akileraarummi qaffasippallaartumik appaasoqarsimaneraniq nassueruteqarpoq, tassami appartitsineq qaffasippallaartumik nunat allamiut aningaasarsiaat nunanilu allani qaffasippallaartumik akileraarusiinerit tunngavigalugit naatsorsuiffiqeqarsimavoq.

Akileraarusiinnermik Aalajangiisartut aalajangiinnerat

Akilerartarnermut Aqutsisoqarfiup ukiumi aningaasarsiorfiusumi 2021-mi danskit pissarsiaannut akileraarusiinera aalajangiusimaneqassaaq.

Akilerartarnermut Aqutsisoqarfiup danskit pissarsiaasa akileraarusertarnerannut angissusiliisarnera allanngussaaq.

Akilerartarnermut Aqutsisoqarfiup kalaallit akileraarutaannut Danmarkimi akilerneqartunut appartitsisarnerat allanngussaaq.

Taamaalilluni naammagittalliorqoq Akileraarusiisarnernik Aalajangiisartunut naammagittaalliumminik ilaannakortumik akuerineqarpoq.

Inatsisitigut tunngavigisat: Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi kingusinnerusukkut allannguuteqartumi §§ 1, 13, 14 aamma 69.
Kalaallit Nunaat Danmarkillu akornanni Marloraammik akilerartarneq pillugu Isumaqatigiissummi artikel 10. 11 aamma 22.